

1601
Henrici
Gallorum,
et Philippi
Hispanorum
Regum pri-
mogeniti.

Philippus
Fraxineus,
Gallorum
orator ad
Venetos.

exorti, Henrico mas, Philippo femina; hæc decimo, ille quinto kal. octobris. Ingenti Galliæ Rex voluptate perfusus, quod in posteris regni stabilimentum cerneret, *natum hominem pronuntiavit, cui totus vitæ cursus, labor assiduus futurus esset*, Regibus cunctis, ac Galliæ præcipue id proprium præfatus. Marinus Caballius, Reipublicæ legatus, illico ad Fontem Bellaqueum, quo Regina enixa fuerat, Henrico gratulaturus, se contulit: qui *magnum Reipublicæ amicum natum* affirmans, infantulum argentea cuna sub conopeo aureis liliis intertexto, legato ostendit. Mox per literas perque oratores de suscepta prole Senatum certiore fecit; cum haud multos post dies Venetias in ordinaria legatione Villierio susceptus Philippus Fraxineus accessit, qui Delphinum Galliæ regno exortum, eximiumque Henrici in Rempublicam animum amplissimis verbis significavit. Villieriusque in Galliam reversurus, complura de Regis in Italos Principes voluntate adjecit: *nuper recenti cum Hispanis pace, oblitum Italiæ qui crederent, vebementer decipi: quamvis enim Salassios non obtineret, complura tamen ei in Italiam itinera ad amicorum subsidia non defutura; in iis duo præsertim, alterum per Delphinatum, quem nuper a Sabaudis Salassiorum vice receperat, ex quo variis convallium semitis aditus pateat; alterum per ferrum ac virtutem, quæ sane vi nulla retardari possit, nonnumquam naturæ quoque ipsi imperitat: hoc etiam iter Theutonicos, Gallos, Carthaginenses ingressos; dum Annibal, aceto ac ferro asperrimis alpium complanatis jugis, viam sibi in hanc provinciam munivit: id porro, reliquis adeptis, numquam assuetæ maximis rebus Henrici III. virtuti defuturum*. Complura in eandem sententiam subdit, quibus compertum erat, eo non parum Gallum angere, quod res Italas penitus deseruisse, animoque illius provinciæ memoriam excidisse, in qua majores sui amplum imperium obtinuerant, Itali Principes existimarent. Villierius de more a Senatu donatus; literæ, quibus ortum filium gratulabatur, ad Regem datæ; ut idem officii genus præstaret, Caballio mandatum. Philippus quoque genitam sibi filiam Senatui per Verrium significavit; perque literas illi ac per Superantium legatum gratulatio est habita.

Inter